

Gveizdangz Cunh: Ndaej Aen Cwngheuh Buek Daeuz Lajmbanj Song Vah Saw Huzndei Daengx Guek

墟塘村喜获首批全国双语和谐乡村称号

□ Moz Binh Cau Dwzfeih



▲ Swcigih Minzyijveij fucujyin Veih Yungihungz lwnh gij cingz-gvang hong sawqdiemj.

◀ Swcigih Minzcunghveij、Minzyijveij dangicuj suhgi Luz Yenbenj(gvaz) bae Gveizdangz diuynenz.



▲ Ciet gobo Gveizdangz bi 2016, vunzmbanj hwnj daiz doiq fwen.



▲ Vunzmbanj hwnj dangz Sawcueneh.



▲ Laeuzbanhgoeng cunhveij haidou vih vunzmbanj banhsaeh.



▲ Roen haeuj mbanj gvangq-yub bingzbd.



▲ Baiz roen sij miz Cuengh Gun song cungj saw.

Mboengqneix, Guekgya Minzveij Bangunghdingh、Gyauyuzbu Bangunghdingh yaenq fat 《Gij Dunghcih Mizgven Ancoh Buek Daeuz Lajmbanj(Segih) Song Vah Saw Huzndei Daengx Guek》, Gveizdangz Cunh Cwngzcungh Cin Ningzmingz Yen Cungzcoj Si gih raeuz daengj daengx guek 7 sengj(swicigih) gungh 7 aen yanghcin(diuzgai、suhmuz) roxnaeuz mbanj(segih) ndaej ancoh baenz buek daeuz lajmbanj(segih) song vah saw huzndei daengx guek.

Hong sawqdiemj lajmbanj song vah saw huzndei Gveizdangz Cunh Ningzmingz Yen gih raeuz cujyau dwg haiguh doxcaez hag caeuq huzndei yungh Cuengh、Gun song cungj vah saw. Swcigih Minzyijveij hopheux cauxlaeb mbanj sawqdiemj Cuengh Gun song vah saw huzndei caeuq gij iugouz moegbiu cingcinj bangfuz vut gungz, gaenxmaenx boiqhab mizgven bumwnz, cungfaen fatok gij gaenxmaenxsingq caeuq cawjdoenghsingq “song vej” banhsij Gveizdangz Cunh caeuq Swcigih baij youq Gveizdangz Cunh dangicujciz suhgi daih’it, gvangqlangh dungyenz vunzlai gak cuz Gveizdangz Cunh gaenxmaenx camgya cauxlaeb, netsaed doicaenh hong sawqdiemj Cuengh Gun song vah saw huzndei. Gonqlaeng gyagiengz senhconz fatdoengh caeuq son’gyauq sonyinx, guh baiz mbanj、geiqhauh、byauhyij senhconz yungh Cuengh Gun song cungj saw raiz, caux ok heiqfaenh ndei yungh Cuengh Gun song vah saw huzndei; hwnjguh cunhbu huzndei luengqhongh raez vwnzva senhconz Cuengh Gun song vah saw、ranz son-gyauq hagsib Cuengh Gun song vah saw, dwksaed aen bingzdaiz hagsib hwnjguh lajmbanj huzndei Cuengh Gun song vah saw; banh ban son-

gyauq fwen Cuengh Gun song vah saw caeuq bouxguhnaz hag Sawcuengh hag gohgi, banh ciet bofwen, hoih doiq fwen、mbanj caeuq mbanj doxdax dwk lanzgiuz、denyingi Vahcuengh roengz mbanj daengj lai cungj lai yiengh hozdung vwnzva diyzuz Cuengh Gun song vah saw huzndei, doicaenh huzndei caemh youq、huzndei hagsib yungh Cuengh Gun song vah saw. Ginggvaq bi ndeu netsaed sawqdiemj, ganbu ginzcong Gveizdangz Cunh doiq gij leixniemh Cuengh Gun song vah saw diegvih faplwd doengzbingz、hag yungh doengzbingz、Cuengh Gun song vah saw huzndei cugyamq haeujlaeg simvunz, hagsib yungh saw vah doeng’yungh guekgya caeuq Sawcuengh Vahcuengh gaenq baenz gij hingzveiz gagnyienh gagrox, gij naengzlig yungh saw vah doeng-yungh guekgya ganbu ginzcong gak cuz ndaej daezsang haemq lai, swhyenz vwnzva Vahcuengh ndaej baujhoh、swncienz caeuq hwnghat haemq ndei, hwnjguh aen bingzdaiz lajmbanj Cuengh Gun song vah saw huzndei daengx cunh aeundaej cingzcik yienhda.



▲ Denyingi Vahcuengh 《Dingzdingj》 haeuj mbanj cuengqingi.



▲ Luengqhongh raez vwnzva senhconz Cuengh Gun song vah saw huzndei Gveizdangz.